



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

**ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ**

## **ՎԵՐԼՈՒԾԱԿԱՆ ՏԵՂԵԿԱՆՔ**

**«Միջազգային էներգետիկ կորպորացիա» ՓԲԸ-ի կողմից 2019 թվականի 3-րդ եռամսյակում 2-Տրախ-2019-ՄՅԿ ծածկագրով իրականացված «ՄԷԿ» ՓԲԸ գույքի (այդ թվում անավարտ շինարարության օբյեկտների) ապահովագրություն բոլոր ռիսկերից, ինչպես նաև ընդհանուր քաղաքացիական պատասխանատվության ապահովագրման պայմանագիր կնքելու իրավունքի համար» բաց միափուլ մրցույթի մոնիթորինգի արդյունքների վերաբերյալ**

**ԵՐԵՎԱՆ 2020**

**«Միջազգային էներգետիկ կորպորացիա» ՓԲԸ-ի գնումների առանձին գործարքների մոնիթորինգի արդյունքները**

**Մոնիթորինգի իրականացման հիմքը՝** ՀՀ հանրային ծառայությունները կարգավորող հանձնաժողովի (այսուհետ՝ Հանձնաժողով) 2014 թվականի հունիսի 25-ի №207Ա որոշմամբ (այսուհետ՝ Որոշում №1) հանրային կազմակերպությունների գնումների կարգերի նկատմամբ սահմանված լրացուցիչ պահանջների կատարման մոնիթորինգի կարգ:

**Մոնիթորինգի օբյեկտը՝** «Միջազգային էներգետիկ կորպորացիա» ՓԲԸ (այսուհետ՝ Ընկերություն):

**Մոնիթորինգի առարկան՝** Ընկերության կողմից 2019 թվականի 3-րդ եռամսյակի ընթացքում իրականացված գնումների առանձին գործարքներ:

**Մոնիթորինգի նպատակը՝** Ընկերության կողմից կատարված գնումների առանձին գործարքների արդյունավետության ուսումնասիրություն և համապատասխանության գնահատում Հանձնաժողովի 2017 թվականի սեպտեմբերի 13-ի №391Ա որոշմամբ (այսուհետ՝ Որոշում №2) սահմանված լրացուցիչ պահանջներին:

**Մոնիթորինգի իրականացման ժամկետը՝** 2019 թվականի դեկտեմբերի 10-ից մինչև 2020 թվականի փետրվարի 7-ը:

**Մոնիթորինգի մեթոդաբանությունը՝** Ընկերության գնումների առանձին գործարքների մոնիթորինգն իրականացվել է ընկերության կողմից մինչև գնման հայտարարությունն իրականացված շուկայի ուսումնասիրության, գործարքի համար կիրառվող գնման մեթոդի ընտրության, մրցութային փաստաթղթերի և մատակարարի ընտրության ընթացակարգի մոնիթորինգի միջոցով:

**«Միջազգային էներգետիկ կորպորացիա» ՓԲԸ-ի կողմից 2019 թվականի 3-րդ եռամսյակում 2-Стрax-2019-МЭК ծածկագրով իրականացված «ՄԷԿ» ՓԲԸ գույքի (այդ թվում անավարտ շինարարության օբյեկտների) ապահովագրություն բոլոր ռիսկերից, ինչպես նաև ընդհանուր քաղաքացիական պատասխանատվության ապահովագրման պայմանագիր կնքելու իրավունքի համար» բաց միափուլ մրցույթ**

Ընկերության 2019 թվականի գնումների պլանի հիման վրա, գլխավոր տնօրենի 2019 թվականի հուլիսի 16-ի №160 հրամանի համաձայն, Ընկերությունը կազմակերպել և անցկացրել է առանց նախնական որակավորման բաց միափուլ մրցույթ«ՄԷԿ» ՓԲԸ գույքի (այդ թվում անավարտ շինարարության օբյեկտների) ապահովագրություն բոլոր ռիսկերից, ինչպես նաև ընդհանուր քաղաքացիական պատասխանատվության ապահովագրման պայմանագիր կնքելու իրավունքի համար՝ հայտերի ներկայացման վերջնաժամկետ սահմանելով 2019 թվականի օգոստոսի 26-ը:

Մրցույթի անցկացման նպատակով 2019 թվականի հուլիսի 16-ին Ընկերությունն իր պաշտոնական կայքում և «Գնումների մասին» օրենքով նախատեսված հրատարակման ենթակա տեղեկատվության հրապարակման նպատակով գործող ինտերնետային կայքում՝ [www.procurement.am](http://www.procurement.am) (Տեղեկագիր), հրապարակել է միայն մրցույթի կազմակերպման մասին հայտարարությունը, իսկ հրավերը հրապարակել է միայն Տեղեկագրում:

Մրցույթի հայտարարումից հետո մրցութային փաթեթի ստացման դիմում են ներկայացրել երեք ընկերություն, իսկ հայտ ներկայացրել է մեկ մասնակից՝ «Ռոսգոսստրախ-Արմենիա» ԱՓԲԸ-ն, որի հայտը մրցութային հանձնաժողովի կողմից համարվել է մրցութային պայմաններին բավարար:

Մասնակցի կողմից ներկայացված գնային առաջարկը բերված է ստորև.

№	Ընկերության անվանում	Ներկայացված գնային առաջարկը մլն դրամ, ներառյալ ԱԱՀ
	1	2
1	«Ռոսգոսստրախ-Արմենիա» ԱՓԲԸ	59,81

Ընկերության 2019 թվականի սեպտեմբերի 2-ի նիստի №040 արձանագրությամբ 2-Стрax-2019-МЭК ծածկագրով իրականացված «ՄԷԿ» ՓԲԸ գույքի (այդ թվում անավարտ շինարարության օբյեկտների) ապահովագրություն բոլոր ռիսկերից, ինչպես նաև ընդհանուր քաղաքացիական պատասխանատվության ապահովագրման պայմանագիր կնքելու իրավունքի համար» բաց միափուլ մրցույթում հաղթող է ճանաչվել «Ռոսգոսստրախ-Արմենիա» ԱՓԲԸ-ն՝ հայտի գինը 59,81 մլն ՀՀ դրամ՝ ներառյալ ԱԱՀ-ն: Հաղթողի ընտրությունը կատարվել է հաղթողի ընտրության գնահատման աղյուսակի հիման վրա՝ երեքչափանիշներով՝ ընդհանուր արժեք, որակավորում և փորձ (նմանատիպ պայմանագրերի քանակ վերջին երեք տարվա ժամանակահատվածում), ծառայությունը մատուցելու ավարտման ժամկետ:

Ընկերության և «Ռոսգոսստրախ-Արմենիա» ԱՓԲԸ-ի միջև 2019 թվականի նոյեմբերի 1-ին կնքվել է բոլոր ռիսկերից գույքի ապահովագրության պայմանագիր՝ 58,9 մլն դրամ՝ ներառյալ ԱԱՀ-ն, արժեքով: Պայմանագրի համաձայն՝ ծառայությունների մատուցման ժամկետը սահմանվել է 01.01.2020թ. մինչև 31.12.2020թ.-ը:

2-Стрax-2019-МЭК ծածկագրով իրականացված «ՄԷԿ» ՓԲԸ գույքի (այդ թվում անավարտ շինարարության օբյեկտների) ապահովագրություն բոլոր ռիսկերից, ինչպես նաև ընդհանուր քաղաքացիական պատասխանատվության ապահովագրման պայմանագիր կնքելու իրավունքի համար» բաց միափուլ մրցույթի փաստաթղթերի ուսումնասիրության արդյունքում հարկ է փաստել, որ.

1. Ընկերության կողմից 2019 թվականի հուլիսի 16-ին մրցույթի կազմակերպման մասին հայտարարությունը հրապարակվել է իր պաշտոնական կայքում և Տեղեկագրում, իսկ հրավերը հրապարակվել է միայն Տեղեկագրում: Կնքված պայմանագրի մասին հայտարարությունը հրապարակված չէ Ընկերության պաշտոնական կայքում և Տեղեկագրում:
2. «Միջազգային էներգետիկ կորպորացիա» ՓԲԸ-ի կողմից Հանձնաժողով ներկայացված փաստաթղթերի համաձայն՝ գնման ընթացակարգի փաստաթղթերը և գնման առարկայի տեխնիկական բնութագրերը կազմվել են պատշաճ մակարդակով:

3. Նախքան մրցույթի հայտարարումը, ընկերությունն իրականացրել է շուկայի ուսումնասիրություն:
4. Բացմիափուլ մրցույթին մասնակցել է մեկ մասնակից: Հարկ է նշել, որ գնման գործընթացի արդյունավետ իրականացման նպատակով անհրաժեշտ է միջոցներ ձեռնարկել հնարավորինս մեծ թվով մասնակիցներ ներգրավելու ուղղությամբ և չսահմանափակվել մրցույթներն Ընկերության պաշտոնական կայքում և էլեկտրոնային տեղեկագրում հրապարակելով, այլև մասնակցության հրավերներ ուղարկել և տեղեկացնել բոլոր հնարավոր մասնակիցներին:
5. Հաղթող է ճանաչվել հրավերի պահանջները բավարարող մասնակիցը:
6. Կնքված պայմանագրի արժեքը փոքր է ներկայացված գնային առաջարկից:
7. Պայմանագրով սահմանվել է վճարման ողջամիտ ժամկետ:

Նշված թերությունների համատեքստում հարկ է նշել, որ գնումների գործընթացի թերի կազմակերպման արդյունքում շուկայականից բարձր գներով ձեռք բերված ապրանքների կամ աշխատանքների արժեքները (շուկայական գները գերազանցող չափով) հաշվի չեն առնվի Ընկերության սակագներում:



	Ստուգաթերթի պայման	Ա	Ո	Զ/Ո	Մեկնաբանություններ
3	Գործարքի համար կիրառվող գնման մեթոդի ընտրությունը ճիշտ է կատարվել	<input checked="" type="checkbox"/>	<input type="checkbox"/>	<input type="checkbox"/>	
4	Մինչև գնումների հրավերների հրապարակելն իրականացվել է համապատասխան շուկայի ուսումնասիրություն (փաստաթղթերը կցված են)	<input checked="" type="checkbox"/>	<input type="checkbox"/>	<input type="checkbox"/>	2019 թվականի մարտի 20-ին Ընկերությունն առևտրային գույքի ապահովագրության պայմանագրի տարեկան ապահովագրավճարի մասով երկու ապահովագրական ընկերությունների կողմից ստացել է գնահարցման պատասխաններ:
5	Գնման գործընթացի արդյունավետ իրականացման, ոչ մրցութային եղանակով գնումների ծավալի նվազեցման նպատակով՝ ընկերությունն իր վեբ կայքում և գնումների էլեկտրոնային տեղեկագրում հրապարակելուց բացի դիմել է արդյոք այլ միջոցների մասնակիցների շրջանակը ընդլայնելու և նրանց միջև մրցակցության խրախուսման համար	<input type="checkbox"/>	<input checked="" type="checkbox"/>	<input type="checkbox"/>	

**ԳՆՈՒՄՆԵՐԻ ՆԱԽԱՊԱՏՐԱՍՏՈՒՄ**

	Ստուգաթերթի պայման	Ա	Ո	Զ/Ո	Մեկնաբանություններ
6	Ապահովվել են հավասար մրցակցային պայմաններ հնարավոր մասնակիցների համար	<input type="checkbox"/>	<input checked="" type="checkbox"/>	<input type="checkbox"/>	Մրցույթի հրավերը չի հրապարակվել Ընկերության պաշտոնական կայքում, ինչը կարող էր խոչընդոտել հնարավոր մասնակիցների համար հավասար մրցակցային պայմանների ապահովմանը:
7	Գնման առարկայի բնութագիրը հանգեցնում է գնումների գործընթացում մրցակցության համար չհիմնավորված խոչընդոտների առաջացմանը	<input type="checkbox"/>	<input checked="" type="checkbox"/>	<input type="checkbox"/>	
8	Գնումն օբյեկտիվորեն հիմնավորված է և համարժեք է այն կարիքին, որի բավարարման նպատակով կատարվում է	<input checked="" type="checkbox"/>	<input type="checkbox"/>	<input type="checkbox"/>	

9	Մանրամասներկայացված են գնման ընթացակարգի փաստաթղթերը	<input checked="" type="checkbox"/>	<input type="checkbox"/>	<input type="checkbox"/>
10	Պատշաճ ձևով ներկայացված են ապրանքների տեխնիկական բնութագրերը, իսկ աշխատանքների կամ ծառայությունների դեպքում՝ ամբողջական նկարագրությունը	<input checked="" type="checkbox"/>	<input type="checkbox"/>	<input type="checkbox"/>
11	Ամբողջությամբ և հստակ նկարագրված են ապրանքի, աշխատանքի կամ ծառայության ձեռքբերման և վճարման պայմանները՝ բացառելով տարմեկնաբանությունը	<input checked="" type="checkbox"/>	<input type="checkbox"/>	<input type="checkbox"/>
12	Գնման առարկայի հատկանիշները պահանջ կամ հղում են պարունակում որևէ առևտրային նշանի, ֆիրմային անվանման, արտոնագրի, էսքիզի կամ մոդելի, ծագման երկրի, կոնկրետ աղբյուրի կամ արտադրողի	<input type="checkbox"/>	<input checked="" type="checkbox"/>	<input type="checkbox"/>

### ՊԱՅՄԱՆԱԳՐԻ ԿՆՔՈՒՄ

	Ստուգաթերթի պայման	Ա	Ո	Զ/Ո	Մեկնաբանություններ
13	Հայտերի գնահատման ընթացակարգը ընթացել է արդար և անկողմնակալ	<input checked="" type="checkbox"/>	<input type="checkbox"/>	<input type="checkbox"/>	Հայտ ներկայացրել է մեկ մասնակից:
14	Պայմանագիր կնքելու մասին որոշումը պարունակում է ամփոփ տեղեկատվություն հայտերի գնահատման և ընտրված մասնակցի ընտրությունը հիմնավորող պատճառների մասին	<input checked="" type="checkbox"/>	<input type="checkbox"/>	<input type="checkbox"/>	
15	Հայտերի գնահատման ժամանակ ապահովվել է հատուցում արժեքի դիմաց սկզբունքը	<input checked="" type="checkbox"/>	<input type="checkbox"/>	<input type="checkbox"/>	



Ստուգաթերթի պայման	Ա	Ո	Զ/Ո	Մեկնաբանություններ
16 Պայմանագրի գնի հաշվարկը ներառում է տվյալ գնման պայմանագրի կատարումն ապահովելու նպատակով կատարվելիք բոլոր վճարները (ծախսերը)	<input checked="" type="checkbox"/>	<input type="checkbox"/>	<input type="checkbox"/>	

**ՊԱՅՄԱՆԱԳՐԻ ԿԱՏԱՐՈՒՄ**

Ստուգաթերթի պայման	Ա	Ո	Զ/Ո	Մեկնաբանություններ
17 Սահմանվել է վճարման ողջամիտ ժամկետ	<input checked="" type="checkbox"/>	<input type="checkbox"/>	<input type="checkbox"/>	
18 Գնման պայմանագիրը կատարվել է պատշաճ մակարդակով	<input type="checkbox"/>	<input type="checkbox"/>	<input checked="" type="checkbox"/>	Պայմանագիրը կատարման ընթացքում է:
19 Գնման առարկայի արժեքը համապատասխան է շուկայական արժեքին	<input checked="" type="checkbox"/>	<input type="checkbox"/>	<input type="checkbox"/>	